

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

## **ODLUKU**

### **Član 1. (Predmet)**

Daje se saglasnost ministru Ministarstva za obrazovanje, nauku, kulturu i sport za potpisivanje Memoranduma o razumijevanju s ciljem podrške radu Udruženja Vijeće Kongresa bošnjačkih intelektualaca, a koji prijedlog Memoranduma čini prilog ove odluke.

### **Član 2. (Realizacija Odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

### **Član 3. (Stupanje na snagu)**

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-11-7143/26  
Datum, 10.04.2026. godine  
Zenica

**PREMIJER  
po ovlaštenju**

*Dženana Čišija*

DOSTAVLJENO:

1x Ministarstvo za obrazovanje, nauku, kulturu i sport,  
1x Ministarstvo finansija,  
1x “Službene novine Zeničko-dobojskog kantona”,  
1x a/a.

**Zeničko-dobojski kanton, Ministarstvo za obrazovanje, nauku, kulturu i sport, ulica Zmaja od Bosne bb, koje zastupa ministar *Mirza Mušija***

i

**Udruženje Vijeće Kongresa bošnjačkih intelektualaca, Valtera Perića 13, Sarajevo, koju zastupa predsjednik *Kasim Trnka***

zaključili su

## **MEMORANDUM O RAZUMIJEVANJU**

### **S CILJEM PODRŠKE RADU UDRUŽENJA VIJEĆE KONGRESA BOŠNJAČKIH INTELEKTUALACA**

#### **Član 1.**

##### **(Predmet memoranduma o razumijevanju)**

Potpisnici zaključuju ovaj Memorandum o razumijevanju s ciljem podrške radu Udruženja Vijeće Kongresa bošnjačkih intelektualaca, sa sjedištem u Sarajevu, za period 01.01.2026. do 31.12.2026. godine, a u skladu sa Odlukom o usvajanju Programa utroška sredstava u razdjelu 22 - Ministarstvo za obrazovanje, nauku, kulturu i sport, pozicija „Tekući transferi neprofitnim organizacijama“- „Tekući transfer za naučne projekte, naučne skupove i takmičenja studenata“ - izvor 10 Budžeta Zeničko-dobojskog kantona za 2026. godinu, broj: 02-11-6275/26 od 27.03.2026. godine.

#### **Član 2.**

##### **(Utvrđivanje visine sredstava)**

Strane potpisnice saglasile su se da visina sredstava za podršku radu Udruženja Vijeće Kongresa bošnjačkih intelektualaca, sa sjedištem u Sarajevu, iznosi 25.000,00 KM (slovima: dvadesetpethiljada konvertibilnih maraka).

#### **Član 3.**

##### **(Obaveze davaoca sredstava)**

Ministarstvo za obrazovanje, nauku, kulturu i sport Zeničko-dobojskog kantona (u daljem tekstu: davalac sredstava) obavezuje se da će iz Budžeta Zeničko-dobojskog kantona za 2026. godinu u okviru pozicije „Tekući transferi neprofitnim organizacijama“- „Tekući transfer za naučne projekte, naučne skupove i takmičenja studenata“ uplatiti planirana sredstava s ciljem podrške u radu Udruženja Vijeće Kongresa bošnjačkih intelektualaca, sa sjedištem u Sarajevu.

#### **Član 4.**

##### **(Obaveze primaoca sredstava)**

- (1) Udruženje Vijeće Kongresa bošnjačkih intelektualaca, sa sjedištem u Sarajevu (u daljem tekstu: primalac sredstava) obavezuje se na odgovorno i transparentno korištenje sredstava.
- (2) Primalac sredstava se obavezuje da će sredstva koristiti za unapređenje u oblastima ljudskih prava, kulture, naučno-istraživačkih djelatnosti i projekata vezanih za integraciju i demokratizaciju bosanskohercegovačkog društva i izgradnje Bosne i Hercegovine kao

države punih ljudskih prava i sloboda, odnosno za podršku radu Udruženja Vijeće Kongresa bošnjačkih intelektualaca, što će se pravdati kroz dostavljanje izvještaja o namjenskom utrošku sredstava.

(3) Primalac sredstava obavezuje se da će davaocu sredstava dostaviti:

- a) potvrdu banke o vlasništvu i broju transakcijskog računa, ne stariju od šest mjeseci, kojom se potvrđuje da je transakcijski račun solventan, aktivan i da nije blokiran,
- b) uvjerenje o poreznoj registraciji - ID broj.

(4) Primalac sredstava obavezuje se da će po uplati sredstava dostaviti izvještaj o namjenskom utrošku sredstava u skladu sa stavom (2) ovog člana.

#### **Član 5.**

##### **(Sudska nadležnost)**

Primalac i davalac sredstava saglasni su da se sva sporna pitanja rješavaju dogovorom, a u slučaju spora ugovaraju nadležnost stvarno nadležnog suda u Zenici.

#### **Član 6.**

##### **(Broj primjeraka memoranduma)**

Memorandum o razumijevanju je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

#### **Član 7.**

##### **(Period važenja)**

Odredbe ovog memoranduma o razumijevanju primjenjuju se od 01.01.2026. godine do 31.12.2026. godine.

**MINISTAR**

*Mirza Mušija*

**PREDSJEDNIK**

*Kasim Trnka*

Broj: 10-11-116-2/26  
Zenica, 2026. godine

Broj:  
Sarajevo, 2026. godine